

## UNIVERZITET U BIHAĆU

telefon/faks: 387 (0) 37 222-022  
adresa: Pape Ivana Pavla II 2/II,  
77000 Bihać  
email: rektorat@unbi.ba



## UNIVERSITY OF BIHAC

phone/fax: 387 (0) 37 222-022  
address: Pape Ivana Pavla II 2/II,  
77000 Bihać  
email: rektorat@unbi.ba

### ODBOR ZA OSIGURANJE KVALITETA NA UNIVERZITETU U BIHAĆU

Broj: 09-5983/18  
Bihać, 29.10.2018.

Na osnovu člana 15. Pravilnika o osiguranju kvaliteta na Univerzitetu u Bihaću i člana 18. Poslovnika o radu Odbora, a u vezi sa članom 9. Pravilnika o kategorizaciji publikacija na Univerzitetu u Bihaću (broj 06-4314/18 od 12.7.2018. godine), na IV (četvrtoj) redovnoj sjednici Odbora za osiguranje kvaliteta na Univerzitetu u Bihaću održanoj 29.10.2018. godine, usvojena je

#### PROCEDURA IZMJENE LISTE PRIZNATIH PUBLIKACIJA UNIVERZITETA U BIHAĆU

Lista priznatih publikacija Univerziteta u Bihaću je definisana Pravilnikom o kategorizaciji publikacija na Univerzitetu u Bihaću (broj 06-4314/18 od 12.7.2018.) i sastavni je dio Pravilnika, označena kao Prilog 1.

Pravilnikom je propisano da Odbor za osiguranje kvaliteta na Univerzitetu u Bihaću definiše Proceduru izmjena ove liste. Izmjena obuhvata i uvrštavanje novih prijedloga na listu i brisanje postojećih sa liste.

Revizija liste priznatih publikacija Univerziteta u Bihaću, definisana Pravilnikom o kategorizaciji publikacija na Univerzitetu u Bihaću, provodi se redovno, dva puta godišnje, a prijedlozi se dostavljaju Senatu Univerziteta na sjednicu u junu i decembru. Usvajanjem prijedloga od strane Senata, vrši se izmjena Priloga 1 Pravilnika o kategorizaciji publikacija na Univerzitetu u Bihaću.

Zaposlenik Univerziteta u Bihaću svoj prijedlog za dodavanje i/ili brisanje sa liste dostavlja prodekanu za NIR fakulteta.

Prodekan za NIR fakulteta u maju i novembru sve dostavljene prijedloge koji ispunjavaju kriterije nevedene u ovoj Proceduri prosljeđuje prorektor za NIR Univerziteta u Bihaću. Ukoliko nije bilo prijedloga od strane zaposlenika Univerziteta, Prodekan dostavlja informaciju da nije bilo prijedloga za izmjene.

Prorektor za NIR Univerziteta objedinjuje dostavljene materijale i priprema materijal za Senat u kojem kandidira prijedloge zaposlenika i izvještava o potrebi izmjene liste priznatih publikacija.

Centar za osiguranje kvaliteta i internu evaluaciju Univerziteta u Bihaću svake 2. godine provodi sistemsku analizu ispunjenosti kriterija za uvrštavanje i prorektor za NIR Univerziteta dostavlja izvještaj i prijedlog za brisanje sa i/ili dodavanje na listu.

Moguće je predlagati akademske indeksne baze ili pojedinačne publikacije ukoliko se ne nalaze u indeksnim bazama definisanim u Prilogu I Pravilnika.

Svaki prijedlog mora sadržavati minimalno slijedeće informacije:

- za indeksne baze:
  - puni originalni naziv i naziv na engleskom jeziku;
  - link na kojem su dostupne informacije o istoj;
  - opis metodologije uvrštavanja publikacija u bazu, kriterije uvrštavanja i način unosa sadržaja u bazu;
  - razlozi za uvrštavanje ove indeksne baze;
  - sadržaj indeksne baze (lista svih publikacija u indeksnoj bazi);
- za pojedinačne publikacije:
  - puni originalni naziv (i naziv na engleskom jeziku ukoliko postoji);
  - ISSN broj;
  - web stranicu publikacije (ili navesti da ista ne postoji);
  - razlozi za uvrštavanje ove publikacije;
  - opis publikacije: periodičnost, kriteriji prihvatanja i objavljivanja radova, način recenzije, godina izlaska prvog broja, datum izlaska posljednjeg broja, izdavač.

Minimalni kriteriji za uvrštavanje indeksne baze na listu su:

- indeksna baza sadrži akademske publikacije;
- indeksna baza koristi konzistentnu metodologiju za uvrštavanje publikacija u indeksnu bazu (indeksne baze koje imaju (akademske) kriterije uvrštavanja i mehanizme za implementaciju tih kriterija).

Minimalni kriteriji za uvrštavanje pojedinačne publikacije na listu su:

- akademska publikacija;
- periodično izlaženje;
- jasni kriteriji za prihvatanje i objavljivanje radova;
- postojanje sistema recenzije; (*blind peer review system*)
- ne nalazi se na listama „predatorskih” publikacija;
- publikacije sa konferencija i skupova:
  - zbornik radova sa ISSN brojem, ali ne ISBN publikacija niti zbornik sažetaka radova.

Kriteriji za brisanje indeksne baze sa liste su:

- promjena statusa i/ili karaktera indeksne baze;
- preklapanje sadržaja indeksnih baza.

Kriteriji za brisanje pojedinačne publikacije sa liste su:

- prestanak izlaženja;
- uvrštavanje na listu „predatorskih” publikacija;
- neobjavljivanje radova autora sa afilijacijom Univerziteta u Bihaću u periodu od pet godina.

Neće se razmatrati:

- prijedlozi koji ne sadrže potpune informacije;
- indeksne baze u koje se sadržaj unosi bez preciznih kriterija i sl. ili se dozvoljava nepotpun unos (npr. bez podataka o publikaciji);
- knjige, knjige sažetaka, konferencije, skupovi, bibliografije, web stranice, portali, servisi, ustanove, izdavači, repozitoriji, biblioteke, kompanije, udruženja, pretraživači, on-line platforme, indeksne baze neodgovarajućeg nivoa/profila, stručni, revijalni, dnevni i populistički časopisi;;
- prijedlozi „nejasnog” akademskog kvaliteta i/ili statusa;
- prijedlozi prisutni u listama „predatorskih” publikacija;
- pojedinačne publikacije prisutne u indeksnim bazama sa liste.

Sastavni dio ove Procedure su i obrasci za predlaganje izmjene liste priznatih publikacija (PP-01, PP-02 i PP-03).



Predsjednik Odbora

Prof. dr. Dženana Gačo

Dostavljeno:

- Oglasna ploča Univerziteta u Bihaću
- Web stranica Univerziteta u Bihaću
- a/a

## Prijedlog uvrštavanja indeksne baze

Naziv indeksne baze	
Naziv indeksne baze (na engleskom jeziku)	
Web stranica indeksne baze	
Razlozi za uvrštavanje indeksne baze	
Opis metodologije uvrštavanja publikacija u indeksnu bazu, kriteriji uvrštavanja i način unosa sadržaja u indeksnu bazu	
Sadržaj indeksne baze (vrste publikacija)	
Datum dostavljanja prijedloga prodekanu za NIR	
Podnosilac zahtjeva	

Prilog: Sadržaj indeksne baze – Lista svih publikacija u indeksnoj bazi



## Prijedlog uvrštavanja pojedinačne publikacije

Naziv publikacije	
Naziv publikacije (na engleskom jeziku)	
ISSN broj	
Web stranica publikacije	
Razlozi za uvrštavanje publikacije	
Opis publikacije: vrsta publikacije, periodičnost, kriteriji prihvatanja i objavljivanja radova, način recenzije, godina izlaska prvog broja, datum izlaska posljednjeg broja, izdavač,	
Datum dostavljanja prijedloga prodekanu za NIR	
Publikacija se na dan dostavljanja prijedloga ne nalazi u indeksnim bazama Liste priznatih publikacija Univerziteta.	
Podnosilac zahtjeva	

Prilog:

## Prijedlog brisanja sa liste

Naziv publikacije/ indeksne baze	
Razlozi za brisanje sa liste	
Ostale bitne informacije	
Datum dostavljanja prijedloga prodekanu za NIR	
Podnosilac zahtjeva	

Prilog: